



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

*Historiæ Convulsionum Periodicarum per Clariss.
D^{num} Gui. Cole, Med. Doct. descriptæ, & com-
municatæ.*

Convulsionis quintanam observantis periodum.

Febres intermittentes minorum gentium (Quotidianas scil. Tertianas & Quartanas) ubivis pullulasce-re nimis omnes confici sumus; & quamvis earum causæ in puteo lateant, de typis tamen sat superque omnibus constat. Quintanarum autem, sextanarum, &c. quæ longius protelatas agnoscunt periodos, quanquam inter authores habeatur mentio, tam raro tamen in praxi occurrunt, ut raro Medicum convenerim, cui talem aliquam vidisse contigit. Mihi quidem ante quadriennium obvenit taliter ægrotans (si modo a periodorum ratione liceat Febrem denominare, ubi non insignis aderat calor, sed nervosi potissimum generis affecti signa) cujus Historiam, quantum suggerit memoria, describam.

Acri erat & lepidio ingenio, cujus casum refero, Domina, formosa, *δουκίς*, interque negotia domestica, quæ continuo eam exercitam detinuerunt, plurimum occupata, unde integra per multos annos valetudine potita est, plures licet enixa fuisset liberos. Ante sexennium vero abhinc prægnans, circa medium gestationis tempus, in hystericos (nescio qua *αεφύση*) incidit affectus, qui, quamvis illo tempore remediis cedebant, subinde tamen recurrebant, licet non admodum frequentes. Tandem instante partus tempore, postquam magis quam par erat (gravi id postulante occasione) sese exercuerat, postridie (accelerato forsan aliquantulum partus tempore) cum maximis doloribus parturire cæpit, magna effluente sanguinis quantitate, fætu tamen nondum in lucem emissio; donec labantibus viribus, totoque fere, prout

astantibus visum erat, excreto sanguine, de vita desperatum fuerit. In vitam vero quasi revocata (sætu tandem, sed mortuo, excluso) brevi in convulsivos incidit affectus, qui, non obstante remediorum usu, pertinaciter affligebant, per intervalla licet, ad plures menses, Inde aliquanto melius habuit, licet non in totum à præfatis symptomatibus immunis, quæ tandem aucta, non incertis, ut ante, invasionibus molesta erant, sed primo tertianis, si recte teneo, periodis, dein quartanis, & non ita multo post quintanis (h. e. ut quatuor integri dies intercederent inter singulorum paroxysmorum initia) invadebant; idque exacte adeo, ut non certius horologiorum indices ad notatas figuras redeant, quam isti paroxysmi suos repeterent cursus. Incipiebant cum oscitatione, aliquali vigore, & magna urinæ limpidæ quantitate exclusa; dein ægrotans statim convulsa opus habuit ut astantium manibus prehenderentur ejus manus, secus vel vestes vel faciem dilacerabat, multoque nisu dentibus petebat prehendentium manus, mente omnino capta, & aphona. Postquam per horam unam vel alteram hoc modo convulsa perstitisset, urinæ limpidæ magna copia identidem reddita, sensim evanuit paroxysmus, obrepente somno, qui per plures horas perseverabat; tandemque, omnium quæ in paroxysmo transacta erant nescia, ad se rediit. Reliquis tribus diebus quamvis à paroxysmo libera, admodum tamen debilis & enervata erat, ut vix è lecto vel sedili surgere, nedum cameram obambulare absque ministrantium satellitio, potuerit.

Curationem accersitus aggressus sum medicamentis testaceis. & sp. C. Cervi; indicationem sumens à magna illa urinæ profusione, & nervosi generis affectibus, quæ insignem & sanguini, & succo nervoso, acorem impressum fuisse mihi fidem fecerunt. Verum cum pertinaciter, his non obstantibus, hærent paroxysmi, statisque redirent periodis, in mentem venit, istos non aliter tractandos,

standos, quam solent febrium intermittentium. Quamvis enim non tantum præ se ferrent calorem, quantum febres vulgares intermittentes; cum tamen regulariter adeo, uti mos est istiusmodi febrium, procederent, cumque insuper non omnes intermittentes, proprie sic dictæ, eundem observant caloris modum, omnes tamen eodem remedio, Cortice sc. Peruviano, debellentur; statui famosissimo illo specifico hunc affectum aggredi (intercalatis tamen medicamentis supra memoratis, utpote quoniam alte mihi insederat notio dicta de acida succorum dyscrasia;) Nec fefellit eventus: Postquam enim duas vel tres istius corticis doses ante totidem paroxysmos, pro more tunc temporis (mihi saltem) solenni, exhibueram, sensibilibiter ferociam suam deposuerunt, tandem continuata ejusdem exhibitione prorsus evanuerunt, nec, quantum mihi rescisse contigit, postmodum redierunt.

Historia Convulsivi Affectus octonariam periodum à multis annis observantis, per Clariss. D^{num}. Gui. Cole, M. D. descripta & communicata.

Dorothea Cook vidua, sexagenaria, Coffepola *Vigorniensis*, a triginta sex annis (triduo post nuptias) Epilepticis, nulla notabili *μεθόδοι* corripitæ cœpit; qui quamvis sub morbi initium frequenter, nullo tamen ordine, recurrebant. Invasio tam subita erat, ut quæ & aliis & sibi perfecte sana videbatur, noctu oculi in hu-